

滄溟先生集卷之四

濟南李攀龍于鱗撰

晉陵陳廷策元直校

五言古詩

建安體

三首

道情涼矣

轉蓬遇回風。千里一遨遊。良時不自愛。汎汎亦何求。
西來旣迂怪。周孔以墳丘。患無紛葩名。年往非所憂。
烈士多壯心。對酒苦難酬。枕石太華顛。俯漱江海流。
其二

北風正徘徊。繁霜以霏霏。經過至朔方。惆悵我武威。
白骨何籍籍。鎧甲貫瘡痍。猛獸蹲高岡。狐兔失故蹊。

伐薪缺斧斨、飲冰膠馬蹄。遠行多苦寒、中路渴與饑。
是時一介志、悠悠誰當知。

其三

河漢懸清光、三五正參差。西北起浮雲、霏霏風入帷。
白髮一何早、隱約當待誰。快獨飲美酒、登臺臨華池。
趙女蕩竒舞、秦箏繁且悲。憂來亦有方、安得常相隨。
代建安從軍公燕詩并引

魏三祖及子建諸子間各臨戎、義有紀列。
久當逸失、不獨王仲宣五篇。又公燕一章、
應阮侵不就次、與仲宣從軍詩過意諷。

均之未盡所長今各代作二首云

代文帝

長驅下廣陵、觀兵東南疆、方舟被大海、萬騎紛縱橫、
旌旗隨波靡、組練遠茫茫、中流震金鼓、士馬何激揚、
鎧甲生悲風、千里一鏘鏘、白羽所漂搖、浮雲自低昂、
撫劍登高城、我軍正相望、零雨有遺篇、咏言難可忘、

代明帝

太常摩回飊、旗幟何翩翩、屯吹彌故壘、列舟竟長川、
登檣望四野、蕭條無人煙、高墉走狐兔、荊棘動參天、
撫劍下中流、甲士羅東西、賦詩寫其懷、隨波以潺湲、

從軍在萬里、惆悵私其憐、

代曹子建

未曉

丈夫志萬里、慷慨事四方、我后振威靈、六軍乃激揚、
分旗建東嶽、耀武臨江湘、鳴鏑控流飈、利劒捷秋霜、
長驅下淮泗、人馬自生光、戈矛何參差、方舟正縱橫、
何言爲國讎、一舉披舊疆、解徒旆、言入歌舞旋、許昌
離宮大饗士、勞賜以次行、君子念在御、賦詩垂華芳、

代王仲宣

方舟何翩翩、素波亦蕭蕭、薰葭澹餘映、長檣激流飈、
撫劒登高防、人馬且逍遙、空城何所有、殺氣蔽旌旄、

日夕見煙火。四野飛蓬蒿。邊聲起大江。誰知我心勞。
從軍殊復樂。菲薄愧鉛刀。

代陳孔璋

浮雲肅四野。流飆殷悲音。邊地一何苦。慷慨難爲心。
飲馬長城下。水寒窟且深。白骨撐路出。殺氣駕重陰。
將建大舉功。干戈日相尋。騁戎書檄馳。縱橫正如林。
身在記室中。慙慙匪自今。男兒念鐘鼎。誰能常滯淫。

代徐偉長

自我出從軍。涉旬東南行。文學託後乘。顧瞻亦已深。
中流萬艘集。陶陶層波生。淒風旗幟繁。秋日戈甲精。

沈陰結戰氣、唯聞金鼓聲。壯士何飛揚、各願一先鳴。
志已馳九關、豈但懷不庭。雖君在只尺、搔首未遑寧。

代劉公幹

我后赫斯怒、整駕東南征。六軍如飛集、列植龍陂城。
皚皚霜風至、肅肅戈甲鳴。長飈轉沙礫、仰視白日冥。
流波一何勁、金鼓悲且清。連鳶下青雲、毛血灑隰坰。
發機入微妙、觀者無不驚。壯士以慷慨、各奮先登情。
釋此薦嘉客、濡翰敘平生。篇章信綺麗、新詩雅以精。
小臣在縋幕、起坐懷同聲。戎事諒非難、但恐沈痼嬰。

代應德璉

鬱鬱西北雲、千里驅重陰。臨江大耀士、方舟載浮沈。
連波響風雨、長縹紛悲吟。分曹命超距、逸氣不可禁。
君子在行伍、常懷饑渴心。非不愧細微、良遇日以深。
故山何時旋、徘徊中自任。

代阮元瑜

亮由

高城苦多陰、秋日殊復悲。邊聲薄暮起、但見浮雲飛。
霜氣勁且繁、河漢寒無暉。三星何躑躅、皎月正徘徊。
流飆西北至、征馬鳴相依。自知從君樂、誰能常不歸。

公燕詩

文帝

夏夜為
無事
及

置酒高臺觀逍遙芙蓉池兄弟夜行游貴客鬱參差
明月照長筵羅纓何霏霏翩彼衆君子展詩奏新辭
絃歌入微妙慷慨使心悲流塵蕩清響綺麗有餘姿
吐握苦不悉人生安可爲在昔無樂方彼此同一時

明帝

三五明月滿四七靈宿繁清夜美行游置酒西苑園
華池濫輕波芙蓉一何鮮飛蓋拂流景隨風自潺湲
主人延貴客竟席列豪賢絃歌徹中堂羽爵騰我前
微音喟有和甘醪發芳顏樂哉殊復樂君豈不俱然

子建
乞陳思王心曲

傷
卦

流飈起飛棟、群星集櫺軒、月出芙蓉池、清光滿西園、
侍者夜行觴、綺縞一何繁、玉顏可攬持、顧眄屬所歡、
華鐙正徘徊、步障隨風還、絃歌蕩層臺、激響拂潺湲、
公子多憂客、從橫各成篇、主人自和氏、披褐將誰愆、
絕纓紛陸離、墮釵復闌干、取樂此一時、嘉會良獨難、

仲宣

太
平
易

浮雲撤重陰、流焱四座來、西臨栢陽山、南望銅雀臺、
回首出中原、曠然千里開、公子大置酒、絃管間行杯、
華鐙吐清光、飛蓋自徘徊、古人一含情、于今安在哉、
亂離常苦多、歡極令我哀、

孔璋

羈客心無娛。閒居日悠悠。駕言備高會。公子招我遊。
凱風飄拂鬱。素暉蕩清流。中庭煥綺樹。芳蕤自沉浮。
登臺遠顧望。高下見原疇。肅肅山谷悲。黯黯陰氣收。
篇章時間作。羽觴不及投。逍遙何以立。功名爲相求。
偉長

高臺鬱我我。其下臨清池。黃鵠比翼遊。淫魚戲漣漪。
微風起水裔。朱華紛陸離。綺羅旣生色。笑歌不自治。
旨酒但相屬。羽觴隨波移。人生寄一世。歲月忽如馳。
豈忘誦君恩。賤軀未可知。

此後
中

月出西掖垣。雙闕鬱蒼蒼。白石爛素波。蘋藻聚金塘。
方舟轉清流。飛蓋紛翱翔。輕飈灑前庭。明鏗敞中堂。
渌酒溢尊壘。嘉釵充圓方。公子多妙製。藻思何縱橫。
高談自寵珍。濡翰安能詳。嬰疾日沈痼。簿領非所長。
願言貽令德。俛俛不可忘。

德璉 賦事名作

群士諧佳會。置酒君子堂。清言解饑渴。四座生芬芳。
雲雨濯高翼。沙石明夜光。連篇命音響。好合興文章。
三臺開藝苑。愛客擅詞場。伸眉就存慰。千載以為常。

元瑜

不見

知己難再遇、攬衣及良辰、天衢飛高翼、清流濯纖鱗、
搖落易爲感、孰能愛此身、思義不潛暢、舉座皆異人、
公子善養士、中外常所親、侍會此高堂、羽觴何紛貞、
翰墨風雨集、興文若浮雲、翩翩致足樂、願言守明貞、

效應璩百一詩

平

穀函命關谷、涇渭達黃河、終南旣面列、沃野開其阿、
帝王信佳麗、天府鬱嵯峨、我銅雀鳴雲中、員闕夾丹霞、
三秦盛西氣、小戎乃遺歌、揚馬翼炎光、流風激頽波、
使臣典文字、執憲臨羣邪、春秋大校士、與世陳四科、

祗役在末位興言念
皇家筐筴有璽書
翩翩爲國華

感懷八首

寥寥高秋氣涼風激中庭
明星一何的皓月復泠泠
清夜使心悲幽人起屏營
羅帷徐動搖丹鐙發寒榮
短歌易慷慨伏枕通雞鳴
伴侶稍稍單獨立非其情

其二 太古穆

四海一流覽爲樂遽何央
經傳有依因大雅未淪亡
知名自前代騁翰各專場
微音可通靈新辭協宮商
綺麗漫星陳江河鬱縱橫
豈不多苦心世士竟茫茫

中原二三子春秋足翱翔離別致倉卒千載不祀當

其三

明珠出大海豫章擢清雲宗臣開國功王佐難其群
公朝日舉士愚者耳不聞披褐玩明時騁翰流華芬
分適中自諧知己俟其真磬折難爲容彈冠各有人
誰令君獨往踟躕失要津

其四

明堂饗元祚稱歲朝京師侵晨宴鸞臺日夕宿蘭池
翩翩佳公子三五相追隨十千平樂酒羽爵何參差
長歌激清風顧眄生光輝秉我徑寸翰興文一如飛

大石云嘆
強光景如
此夢是素

旁人徒嗷嗷。匹侶當自知。離別難預圖。樂往自成悲。
仰觀素雪流。俯見朱華披。棄置安足陳。亡沒無還期。
百年譬言影響。倏忽誰能持。

其五

在我遊。帝京馮寵私自竒。當年值數子。無復新相
知。中原一顧眄。凌厲有餘姿。用身常苦拙。此志安得
施。浮沉託大道。四海一棲遲。時俗溺鄙議。長往不可
追。願言反初服。白日且逶迤。酒中念故人。千載爲等
期。

其六

鴻鵠不嘯侶。鷲鷩難爲儔。雙美無常玩。江漢故分流。
堅芳喻蘭石。千載一綢繆。佳言盈耳哉。良時安可留。
在昔誇中原。數子從我遊。

其七

孤行苦難立。耿介傷其躬。世路有姿態。悠悠安所終。
美服光照人。言笑一何工。抱鼓若籟條。磬折如轉蓬。
輕薄不可視。妖蠱誰能窮。車馬從狹邪。棘生九衢中。

其八

浮雲翳高城。回飈生戰場。金鼓使人悲。旗幟亦飛揚。
千載一如此。丘隴遙相望。奈何轉蓬士。翩翩常道傍。